

Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion

noticia@bondia.com

Pilar Flores (hefe di redaccion)
Angenette Figuereo (closer editor)
Leo Maduro
Andreina Morillo
Raisa Montilla
Oriana Geerman

Ehecutivo di Benta

Sulaika Croes
sulaika.croes@cspnv.com
Mark Gomes
mark.gomes@cspnv.com

Aviso y Arte

Sandra Loefstop
Lisa Tromp

Departamento Digital

Juan Luis Pinto

Administracion
accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Associated Press
Ret Karibense
Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800
Email: noticia@bondia.com
aviso@bondia.com
info@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant
redacta y imprimi na Aruba y ta
obenibel di dialuna te cu diasabra.
Ningun contenido por wordo reproduci
sin permiso di editor.

E pakico abuso di adulto mayor no ta wordo denuncia

Skirbi pa drs. Melva Croes-Yáñez



Hopi pais tin ley cu ta obliga pa denuncia casonan di abuso/maltrato di adultonan mayor. Maske cu tin leynan obligatorio pa haci denuncia, abuso di adulto mayor ta sigui di ta un crimen insuficientemente raporta tambe na Aruba.

Algun motibo cu un adulto mayor lo no raporta of haci un denuncia, ta:

- E no por haci un denuncia, debi na su capacidad fisico of mental.
- E ta depende di e abusado pa ricibi atencion y cubri su necesidadnan basico.
- E ta teme di represalia di parti di e abusado.
- E ta teme cu si e haci un denuncia, e abuso lo ponele porta 'fo di e instancia di cuida.
- E ta sinti verguensa pa bisa un hende cu un ser keri ta haciele daño, ta

viol'e of ta probecha di dje.

- E ta preocupa cu si e haci un denuncia, e abusado ta haya su mes confronta cu problema pa su via; esaki ta specialmente asina ora e abusado ta un hende cerca di dje of un hende cu e ta preocupa p'e.
- Si e haci denuncia di abuso of violencia sexual, autoridadnan lo NO tum'e (e victima) na serio debi na su edad (Edadismo) of suposicion riba su capacidad mental.

Algun forma di abuso pa pone atencion riba dje ta entre otro:

- Abandono
- Abuso Emocional
- Explotacion of abuso financiero
- Negligencia
- Abuso Fisico
- Abuso Sexual

Kico ta e señalnan cu por observa ora ta trata di abuso di adulto mayor?

Mientras hopi di e sintomanan aki tambe por ta un resultado di cierto condicionnan fisico of di remedi/droga, ora nan aparece, ta ora pa investiga mas profundo pa determina y remedia nan causa/origen. Ora NO por splica e señalnan aki pa motibo di remedi / droga, esaki por ta un indicacion di un abuso/maltrato di e adulto mayor.

E señalnan por ta relaciona cu entre

otro:

- Golpi, kemadura, corta of cicatriz inexplicabel.
- Falta di higiena basico, falta di cuminda y awa adecua of di paña limpi y apropiada.
- Falta di cuida medico, bril, looprek, wandelstok, djente, audifono, remedi.
- Wowo hundi of perde peso inexplicable.
- Ulcera/ Herida di cama.
- Ignora / rechasa of bula pipa asina menciona e lesion(nan).
- Miedo of sospecho irasonabelmente halto.
- Falta di interes den contacto social.
- Cambio inexplicabel of inusual den comportamiento.
- Sangramento vaginal of anal inexplicabel.
- Malesa venerico of infeccionan vaginal.
- Señalnan di cuida insuficiente y/of recibonan No paga a pesar di ta conta cu recursonan adecua.
- Retiro di sumanan cuantioso di cuentanan bancario di e Adulto Mayor of otro actividad inusual na cahero automatico (ATM).

Si abo ta sospecha of a observa e señalnan aki riba, no deha di haci uso di bo derecho y obligacion civico y tuma contacto cu autoridad of informa bo mes riba e siguiente Website di Ministerio Publico di Aruba: <https://omaruba.com/aanwijzing-relatieeel-geweld/>

San Nicolas Business Association ta cuestiona falta di mantencion di pier

Recientemente, riba nan pagina di Facebook, San Nicolas Business Association a post tres potret unda por mira un pier den mal estado, cu e comentario: "Tur e discusionnan rond di ken ta beheer y ken ta doño que hubo pa un solucion?"

Mientras cu intencion di SNBA tabata parce di ta pa hala atencion riba e problema cu e pier pa asina instancianan concerni por tuma accion, comentarionan riba e post a dirigi critica directamente riba e asociacion.

"Si SNBA sa ken ta encarga cu piernan anto yama e instancia concerni, bo solucion ta pone aki riba pa otro hasie pa bo?" J.F. a cuestiona. Den mesun linea, J.N. a agrega: "Como SNBA bosonan no mester tin e informacion ey den boso database? Bosonan no mester ta na altura cu tur locual ta pasando na San Nicolas? E no ta e deber dje comunidad pa restaura e pier, anto si nos [tabata] por, mester permiso toch." Di su banda, Hilario Doncker,



kende ta conoci den comunidad pa boga pa bienestar y desaroyo di San Nicolas, a comenta: "E Minister concerni mester tuma contacto cu Fundacion Parke Marino debi cu e Fundacion ta encarga cu e maneho di e area di lama cu ta pertenece na Seroe Colorado. Y na mesa lo mester yega na palabracionnan cu ta toca mantencion di e pier concerni y otronan cu ta na Rodgers Beach. Den esey lo

mester haci palabracionnan cu ta toca e calidad di trabao cu companianan ta haci." SNBA a aclaria cu "Parke no ta encarga cu e laman sino e rifnan pier etc., pero mester bisa cu ta trata di 3 pier cu ta bandona pa demasiado y nada no a wordo haci." Na final, Doncker a indica cu esey no ta cuadra cu berdad, consehando e asociacion pa tuma contacto cu Fundacion Parke Marino pa



haya informacion amplio riba e topico aki.

Realidad ta cu tur rond Aruba tin cantidad di infraestructura cu gobiernonan consecutivo a laga sin atencion y sin mantencion, pa loke hopi di nan ta den estado deplorable. Y den esey, SNBA tin rason: tur discusion por bay riba ken ta carga e responsabilidad, pero na final, loke mester ta un solucion.